

ԲԱՆԱՎԵՃԵՐ ԵՎ ՔՆՆԱՐԿՈՒՄՆԵՐ ДИСКУССИИ И ОБСУЖДЕНИЯ

ՕՍՄԱՆՅԱՆ ԿԱՅՍՐՈՒԹՅԱՆ ԳՅՈՒՂԱՏՆՏԵՍՈՒԹՅԱՆ ՄԵԶ
ԿԱՊԻՏԱԼԻՍՏԱԿԱՆ ՀԱՐԱԲԵՐՈՒԹՅՈՒՆՆԵՐԻ ԶԱՐԳԱՑՄԱՆ ՄԻ
ՔԱՆԻ ՀԱՐՑԵՐԻ ՄԱՍԻՆ

Հ. Գ. ԻՆՃԻԿՅԱՆ

Օսմանյան կայսրությունը կապիտալիստական հարաբերությունների զարգացման փուլը թեև կոխեց անցյալ դարի երկրորդ կեսին: Մինչ այդ եղած տեղաշարժերը, որոնց ուղղակի արտացոլումն են հանդիսանում, այսպես կոչված, թանղիմաթի շրջանի ռեֆորմները, կարելի է գնահատել որպես նկարագրվող ժամանակահատվածի և նրա բարեփոխումների նախապատմությունը:

Հանրահայտ է, որ Օսմանյան կայսրությունը միավորել էր էթնիկական կազմով ու զարգացման աստիճանով միանգամայն տարբեր երկրներ ու շրջաններ, որի հետևանքով նրանում ծայր էին առել այն հակասությունները (երբեմն անլուծելի), որոնք զգալի կերպով ազդում էին երկրի տնտեսական ու քաղաքական զարգացման ընթացքի վրա: Ձևավորվող կապիտալիստական հարաբերությունների, ֆեոդալական այլազան ձևերի, նահապետական ու ցեղային կապերի առկայությունը և միջանկյալ սոցիալական կազմակերպությունների ու կատեգորիաների համակցությունը մի կողմից, կրոնական ու ազգային հետզհետե սրվող հարաբերությունները՝ մյուս կողմից, կազմում են մի ընդհանուր ֆոն, որի վրա նկատելի էր նոր ուժերի պայքարը հնի դեմ՝ հաճախ չափազանց խճեղված ու բարդ միակցությունների մեջ, հատկապես գյուղատնտեսության ասպարեզում:

Նման իրադրության նկատմամբ մեթոդոլոգիական ճիշտ մոտեցման և մեկնաբանման ելակետ է հանդիսանում Վ. Ի. Լենինի այն դրույթը, որ «կապիտալիզմը հողագործության մեջ (ինչպես նաև արդյունաբերության մեջ) չի կարող համաշափ զարգանալ. նա մի վայրում (մի երկրում, մի ռայոնում, մի տնտեսության մեջ) գյուղատնտեսության մի կողմն է առաջ մղում, մի ուրիշում՝ մի ուրիշ կողմը և այլն»¹:

Ահա այս տեսանկյունից էլ ընթերցողի ուշադրությանն է ներկայացվում քննարկվող հարցը:

Ժամանակակից թուրք տնտեսագետ Օյա Կոյմենի արտահայտությամբ, «Օսմանյան հողը՝ հողագործության և առևտրի տեսակետից, ինչպես և քաղաքական ու ռազմական առումով, գտնվում էր այնպիսի մի վայրում, որի հավասարը չկա աշխարհում»²: Համաձայնվելով այս բնորոշման հետ, ուղում

¹ Վ. Ի. Լենին, Երկեր, 4-րդ հրատ., հատ. 3, էջ 391:

² О. К о й м е н, Империализм свободной торговли. Османская империя. V международный конгресс экономической истории, Ленинград, 10—14 VIII 1970 г., М., 1970, էջ 10.

ենք, սակայն, ընգղծեղ, որ հենց ամենազլխավոր հարստության՝ հողի մշակման մակարդակը անցյալ և ներկա դարերի սահմանազլխին վկայում է մեծ հնարավորությունների օգտագործման փոքր մասշտաբների մասին:

Թուրք հեղինակները, սովորաբար, երկրի հետամնացության պատճառները փնտրում են օտարների տիրապետության մեջ և տարիներ շարունակ պնդում, որ «անարդարացի է, երբ թուրքերին համարում են անընդունակ օգտագործելու Անատոլիայի հարստությունները: Իսկ ոմանք նրանց մեղադրում են դրանք ոչնչացնելու մեջ: Դա անիրավացի մեղադրանք է»³: Դիմենք փաստերին:

Քանի որ վիճակագրության բացակայությունը դժվարացնում է կատարել մանրամասն վերլուծություններ, հետևաբար պետք է բավարարվենք տարբեր հեղինակներից մասնակի մեջբերումներով, որոնք, կարծում ենք, միանգամայն բավական են քննարկվող հարցի վերաբերյալ պատկերացում կազմելու համար: Այսպես, հենվելով հայտնի ռուս գիտնական ու ճանապարհորդ, Թուրքիայի լավագույն գիտակ Պ. Ա. Ջիսաչևի տվյալների վրա, Ն. Թոփչյանը հաղորդում է, որ այս կամ այն կերպ օգտագործվում էր փոքրասիական տարածությունների միայն 40%-ը⁴: Հայտնի տնտեսագետ Վահան Թոթումյանյի տվյալներով մշակվում էր կայսրության հողերի միայն 10%-ը⁵: Կան բազմաթիվ այլ տվյալներ, որոնք ցույց են տալիս մշակվող հողերի ավելի ցածր տոկոս, քան նշվածները, սակայն ընդհանուր կարծիքն այն է, որ մինչև առաջին համաշխարհային պատերազմը Օսմանյան կայսրության մշակվող հողերի տոկոսը կազմում է 5—7%⁶: Թուրքական պաշտոնական տվյալների համաձայն 1927 թ. մշակվող տարածությունները կազմում էին բոլոր հողերի դեռևս միայն 5%-ը⁷: Այս երևույթը, անշուշտ, առաջին հերթին զարգացման ցածր աստիճանի հետևանք է: Ոչ պակաս կարևորություն ունեցող հանգամանք էր նաև այն, որ երկրի կառավարող շրջանները իրենց հարստության աղբյուրի՝ հողի նկատմամբ ցուցաբերում էին զարմանալի անտարբերություն: Բացատրելով դրա պատճառները, Թուրք հեղինակ խալիս Օկանը իրավացիորեն նշում է, որ «օսմանյան ֆեոդալները չէին ղբաղվում տնտեսական գործունեությամբ, հողամասերի շահագործմամբ և առևտրով. հողը հանդիսանում էր միմիայն տուրքերի աղբյուր: Հարստացման զլխավոր միջոցը դարձել էին պատերազմները և նրանց հետ կապված՝ թալանը, հարկերը և ճորտերը...»⁸:

Թերևս դրանով էլ պետք է բացատրել այն երևույթը, որ Թուրքիայում դարեր շարունակ գոյություն չունեին հողամասերի կամ հանդակների ճշգրիտ սահմանագծեր: Բայց սևիականատիրության և կապիտալիստական հարաբերությունների զարգացման պայմաններում այդ հարցը ստանում է մեծ կարևորու-

³ La Turquie modern, „Turc Yourdou“, Geneve, 1919, № 2, էջ 66:

⁴ Ն. Թոփչյան, Երիտասարդ թուրքերը և հայերը, Թիֆլիս, 1909, էջ 38: Տե՛ս նաև Խանջյան, Աղխարհադրություն օսմանյան պետության, Կ. Պոլիս, 1912, էջ 179:

⁵ «Современный мир», 1908, № 10, էջ 20:

⁶ В. М. Кеchedжи-Шаповалов, Экономическая Турция, П.-г., 1915, էջ 31; А. Адамов, О положении земледелия в Ираке Арабском (Архив внешней политики России, ф. «Новый турецкий стол», 1904, л. 7643, л. 4). И. Бутаев, Проблемы Турции, Л., 1925, էջ 44—45:

⁷ Проф. М. П. Жуковский, Земледельческая Турция, М.—Л., 1933, էջ 23:

⁸ Халис Окан, Развитие на капитализма в Турция, София, 1961, էջ 10:

թյուն: Պատահական չէ, որ թուրքական պառլամենտի հայ երեսփոխանների սու-
ռաշարկությամբ 1913 թ. փետրվարի 5-ին օրենք է ընդունվում հողամասերի
չափի, սահմանների, դնի, անշարժ գույքի կառուցման և առհասարակ նման
հարցերի իրավական ձևակերպման կարգի մասին⁹։ Սակայն բաղմամբիվ այլ
օրենքների կողքին, այս կարևոր օրենսդրական ակտը ևս մնաց միայն թղթի
վրա, քանի որ այն չէր համապատասխանում տիրող ռազմաֆեոդալական վեր-
նախաձի շահերին։

Չափազանց խորհրդանշական վերնագիր կրող «Ինչո՞ւ ենք ահա արդեն
200 տարի դուփում տեղում» հոդվածում, Նիյազի Բերքեսը ցույց է տալիս նը-
ման քաղաքականության կիրառման արդյունքները։ Կալվածատերերն ու աղու-
ները կաղմում են գյուղական ազգաբնակչության 5%-ը միայն, իսկ նրանց
ձեռքում կենտրոնացած է մշակվող հողերի երկու երրորդը։ Ազգաբնակչության
87 %-ը կազմող գյուղացիությունը օգտվում է այդ հողերի 35 %-ից միայն։
Գյուղացիների 8%-ը հողազուրկ է։ «15—20 հազար հեկտար խոշոր հողափն
տիրույթների կողքին մեկ գյուղացուն միջին հաշվով ընկնում է կես հեկտար
հող»¹⁰։ Մոտավորապես նույն տվյալները մենք տեսնում ենք նաև սովետական
հետազոտողներ Ա. Գ. Նովիչևի¹¹, Լ. Վակսի¹² և այլոց մոտ։

Երկրի խոշորագույն հողատերը սուլթանն էր, որը տիրում էր լավագույն
հողերի՝ մոտ 3,5 մլն դեսյատին ընդհանուր տարածությամբ¹³։

Մինչև Թանզիմաթի «ռեֆորմները» հողային իրավունքի բնագավառում
հիմնական սկզբունքները բխում էին շարիաթի դրույթներից։ Մշակված քա-
ղաքացիական օրենսդրության («մեջեչլե») մեջ կային հատուկ օրենքներ հողա-
յին հարցի վերաբերյալ, որոնք դեռևս անցյալ դարի 60—70-ական թթ. ամ-
փոփվել էին մեկ օրենսգրքի մեջ, ստանալով «Հողային օրենսդրություն» («էրա-
զի կանուննամեսի») անվանումը։ Նշված «Կանուննամեսի» մեջ արդեն մենք
նկատում ենք ֆեոդալական հողատիրությունից դեպի կապիտալիստական ձևե-
րի անցումն օրինականացնելու փորձեր։

Մինչ այդ գոյություն ունեցող հողային սեփականությունը, որը կոչվում
էր «մյուլե» և բավական լայն տարածում էր գտել հատկապես Եվրոպական
Թուրքիայում՝ «չիֆթլիկ» անվան տակ, ավելի որոշակի վիճակի մեջ է դրվում
1858 թ. օրենքի հիման վրա և կոնկրետանում 1867 թ. ժառանգության մասին
ընդունված օրենքով, որը ժառանգելու իրավունք է ընձեռում ուղղակի և անուղ-
ղակի արյունակից 3 կարգի ներկայացուցիչների։

Հողատիրության հաջորդ ձևը, որը հիմք էր ծառայում մասնավոր սեփա-
կանության ընդլայնմանը, դա պետական այն հողերն էին, որոնք կոչվում էին
«էրազի միրիե» (միշտը՝ «էմիրիե»)։ Անցյալ դարի վերջին սրանց մեծ մասը
արդեն գտնվում էր մասնավոր անձանց ու կաղմակերպությունների ձեռքին,

⁹ Н. А. Тенский. О правовом положении землевладения в Турецкой Армении, П.-г., 1916, էջ 13։

¹⁰ Niyazi Berkes, İki yuz yıldır neden boaliyoruz? „Yon“, Ankara, 1964, № 1.

¹¹ А. Д. Новичев, Экономика Турции в период мировой войны, М.—Л., 1935, էջ 9։

¹² Л. Вакс, Очерки истории национально-буржуазных революций на Востоке, М.—Л., 1931, էջ 40։

¹³ Լ. Ս. Համբարյան, Ազրաբային հարաբերությունները Արևմտյան Հայաստանում (1856—1914), Երևան, 1965, էջ 55։

դրանք ժառանգվում էին, վաճառվում կամ նվիրվում: Հարցի տեղանավոր մասնագետ Դ. Բաքրաձեի կարծիքով նշված ժամանակաշրջանում «էրազի մի-րին»-ն, մասնավոր հողատիրության ամենից տարածված ձևն էր Թուրքիայում¹⁴:

Մզկիթներին և կրոնական այլ կազմակերպություններին պատկանող հողային տարածությունները ընդլայնվում էին սխտեմատիկ կերպով և որոշ տեղերում գրավում հողերի 40—70%-ը¹⁵: Սրանց ընդարձակումը տեղի էր ունենում թե՛ պետության և մասնավոր անձանց նվիրատվությունների, և թե՛ մանր հողատերերի հողերի միացման հաշվին: Վերջիններս պետական հարկերից, աղաների ու բեգերի հարստահարություններից, սյաշտոնյա և անսյաշտոն ավազակների բռնադրամներից և թալանից աղատվելու նպատակով, իրենց հողերը նվիրում կամ չափազանց ցածր գներով «վաճառում» էին մզկիթներին ու կրոնական կազմակերպություններին: Միակ պայմանը լինում էր այն, որ սրանք և իրենց ժառանգները չարունակում էին մշակել նույն հանդակը՝ վճարելով սուրբն ու հարկը, կատարելով կոտն ու բեգյառը միայն վանքի համար: Բազմապիսի կեղեքումներից աղատվելու նպատակով, նշում է Ռ. Լյուբսեմբուրգը իր «Ազգային պայքարը Թուրքիայում և սոցիալ-դեմոկրատիան» չափազանց հետաքրքիր հոդվածում, գյուղացին ստիպված էր իր հողակտորը «փոխանցել մահմեդական եկեղեցուն և ապա տոկոս վճարելով վերցնել այն որպես վարձակալական, բայց զոնե տասանորդի տուրքից դերձ հող»¹⁶: Ֆեոդալական պետության, թուրքական կարգերի դեմ բողոքի մի արտահայտություն էր այս երևույթը, հակաֆեոդալական պայքարի մի պասսիվ ձև: Ինչպես նշում է հողային օրենքի մեկնաբանողներից մեկը, իր հանդակը վակֆային սեփականություն դարձնելիս մանր հողատիրոջ համար «ոչ թե կրոնական զոհամունքը, այլ անձնական շահն էր հիմնականը»: Որովհետև, թեև նա ձեռնարկն կորցնում էր սեփականության իրավունքը, սակայն իր և իր ժառանգների համար ապահովում էր անձեռնմխելիությունը, հարկերից ազատ հողատիրությունը¹⁷: Այս տեսանկյունից հետաքրքրական է Մարքսի սահմանումը վակուֆի վերաբերյալ, որպես «մշտական մասնավոր սեփականություն»¹⁸, որը ինչ-որ չափով ապահովում է հողի անվանական տիրոջ կենսամակարդակը և նա զոհ չի գնում կամայականությունների: Այս բանը մոտեցնում է վերոբերյալ հողատիրությունը բուրժուական սեփականության ձևերին: Ուրեմն կարելի է կրկնել այն միտքը, որ վակուֆային հողատիրության մի մասը որոշ իմաստով հակաֆեոդալական երանգ ունի:

Գոյություն ունեն հողատիրության ևս երկու ձևեր՝ «արազի մեթրուկե» (արոտավայրեր, յաշլահներ, անասունների ձմեռանոցներ, ճանապարհներ, ան-

¹⁴ Д. М. Бакрадзе, Исторический очерк турецкой системы землевладения, Тифлис, 1889, էջ 20:

¹⁵ «Մուրճ», 1893, № 5, էջ 777:

¹⁶ Տե՛ս Գ. Բ. Ղարիբջանյան, Ռուս Լյուբսեմբուրգի նորահայտ հոդվածը արևելյան հարցի մասին, «Բանբեր Երևանի համալսարանի», 1971, № 2, էջ 146:

¹⁷ Das ottomantische Immobilienrecht von Dr. Emridi Fryda von Kanrimsky, Weltwirtschaftliches Archiv, 9 Band, Heft 1, Januar, 1917, էջ 40—41:

¹⁸ Տե՛ս X. Г а м а ю н о в, О записях К. Маркса, сделанных им при изучении книги Максима Ковалевского «Общинное землевладение, причины, ход и последствия его разложения», «Советское востоковедение», 1958, № 4, էջ 15:

տառներ և հասարակական օգտագործման այլ վայրեր) և քարաղի մեվաթ (հեռավոր, ոչ պետքական, «մեռած հողեր»)։

Պետական հողերի հաշվին սեփական հողերի ընդլայնման պրոցեսը հուլիս Օկանը համարում է «կապիտալի նախնական կուտակման հիմքը Թուրքիայում, որը ընդգրկում է XVIII դարից մինչև XIX դարի առաջին կեսը ներառյալ»¹⁹։ Այս տեսակետի հետ կարելի է համաձայնվել մասամբ միայն։ Հայտնի է, որ անցյալ դարի երկրորդ կեսին ևս շարունակվեց նույն պրոցեսը և կապիտալիզմի զարգացումը շրջափոխեց արևելքի երկրների համար սովորական, նորմալ տեմպեր։ Մյուս կողմից, սեփականատիրական հողատարածությունների մեծացմամբ չի սահմանափակվում կապիտալի նախնական կուտակումը։ Նա ընդունում է բազմաթիվ ու բազմապիսի ձևեր. մասնավորապես Օսմանյան կայսրության համար կարևոր դեր կատարեցին կուտակման այնպիսի միջոցները, ինչպիսիք էին հարկերն ու տուրքերը, սորոնց անվան տակ ստանում էին ազգաբնակչությունից շարունակ գանձվող գումարները²⁰, ինչպես նաև սեփական ժողովրդի կողոպուտի այլ ուղիները, ներքին և արտաքին առևտուրը, ներքին որոշ հարստությունների օգտագործումը և այլն։ Այսպիսով, մասնավոր հողատիրությունը, ընդարձակելով իր սահմանները, ընդգրկեց համարյա ամբողջ Եվրոպական Թուրքիան, և «ագարակը» («չիֆթլիկ») դարձավ հողատիրության հիմնական ձևը։ XX դարի սկզբին «Մակեդոնիայի համարյա ամբողջ հողը կազմում էր այսպես կոչված թուրքական «չիֆթլիկների» սեփականությունը»²¹։

Այլ էր պատկերը կայսրության ասիական և աֆրիկական մասերում։ Սյուտեղ ֆեոդալական հողատիրությունը պահպանում է իր ազդեցությունը և նույնիսկ ընդլայնում սահմանները։ Սակայն մասնավոր սեփականության իրավունքը գործում է որպես քայքայիչ գործոն և տեղ է բացում նորի կամ հնի ու նորի խառը ձևերի համար։ Նշված ժամանակահատվածում մենք հանդիպում ենք այսպիսի բնորոշ օրինակների. Ստամբուլի բնակիչ բանկիր Զարիֆին Բաղդատի վիլայեթում պետությունից գնում է 50000 հեկտար հող և այնտեղ ցանում բրինձ ու բամբակ։ Վանի մեծահարուստ, վաշխառու և խոշոր հողատեր Թեմիր-Օղլու ընտանիքը ձեռք է բերում նորանոր հողեր, անշարժ գույք և ծավալում ընդարձակ առևտուր։ Խարբեռղի կալվածատեր ու առևտրական Հաջի Իզդեթ փաշան ամեն կերպ ընդլայնում է իր տիրույթների սահմանները, որոնց տարածությունը հավասարվել էր «մի ամբողջ դավառի» մակերեսի²²։ Սիրիայի Համա քաղաքի շրջակայքի հողերը բռնագրավել էին հինգ հարուստ ընտանիքներ, որոնք առևտրի ու արհեստավորների աշխատանքը շահագործելու ճանապարհով դարձել էին հողատերեր²³։

Այդ երևույթը տեղի ունի նույնիսկ «ավաղակային ֆեոդալիզմի» մակարդակի վրա գտնվող քուրդ, չերքեզ, քոչվոր-արաբ բեկերի ու աղանների շրջանում։ Խոշոր հողատերերի մեծագույն մասը թուրքեր էին ու մահմեդական այլ ժողովուրդների ներկայացուցիչներ։ Այս հանգամանքը ուներ չափազանց կա-

19 Халис Окан, *Եզվ. աշխ.*, էջ 16։

20 Dr. Konan Bulutoglu, *Türk vergi sistemi*, Istanbul, 1967, էջ 2։

21 X. Г. Инсаров, Турция и Македония, «Вестник Европы», т. 4, 1903, էջ 663, «Турецкий сборник», под ред. Г. М. Бикермана, СПб., 1909, էջ 139։

22 Центральный гос. военно-исторический архив, ф. 82, оп. 86, д. 3049, р. 352, 353։

23 Артур Рунин, Современная Сирия и Палестина, П.-г., 1919, էջ 63։

բևոր նշանակություն Երկրի տնտեսական ու բաղադրական կյանքում և պահպանվում էր թե՛ շարիաթով, թե՛ քաղաքացիական իրավունքով: Կ. Մարքսը դեռևս անցյալ դարի կեսերին նշել է, որ մահմեդականների և այլ կրոններին ներկայացուցիչների միջև հավասարություն պահանջելը «անվերապահորեն նշանակում է իրականում՝ Ղուրանը վիճակ նոր քաղաքացիական օրենսդրությունում, որի խոսքով նշանակում է՝ քարոքանդ անել թուրքական հասարակությունը և նրա ավերակների վրա ստեղծել իրերի նոր դրություն»²⁴: Ֆրանսիացի արևելագետ Պոլ Փանտիզոնը հիշյալ անհավասարությունը համարել է մահմեդական իրավունքի խոշոր վերափոխում, որի հետևանքով ստեղծվել էր սոցիալական հանգույց պետության բոլոր ժողովուրդների միջև և հավատացյալների ու անհավատացյալների միջև անցկացվել սահմանազատման ղիծ»:²⁵ Վերջիններս «երբեք չեն կարող դառնալ բառիս բուն իմաստով քաղաքացիներ: Նրանք կմնան ստրուկներ (ilotes)»²⁶: Այս միտքը հաստատել են տարբեր ուղղությունների թուրք ժամանակակից գործիչներ ու հեղինակներ: Երիտթուրքերի ղեկավարներից իշխան Սարահնդգինի կարծիքով «Թուրքիայի սոցիալական ուժը ամենից առաջ կրոնի մեջ է»²⁷: 1908 թ. հեղաշրջումից հետո էլ պատմաբան Յուսուֆ Ֆեհմիի գտնում էր, որ Թուրքիայի «ուժը և հզորությունը պետք է հենվեն իսլամի և խալիֆայի վրա»²⁸: Սակայն այդ հանգամանքը բնավ արգելք չհանդիսացավ, որպեսզի խոշոր հողատերեր դառնան նաև սլավոնները, հույները, հայերը, հրեաները, լեանտացիները և այլք: Վերջիններս ավելի սերտ կապերով կապված լինելով շուկայի, մեծ քաղաքների և նույնիսկ արտասահմանի հետ, շահագրգռված էին վարկ տալու հողի մշակման կապիտալիստական ձևերին, գործադրելու ագրոնոմիայի ժամանակակից միջոցներ, օգտագործելու գյուղատնտեսական մեքենաներ և այլն: Կ. Մարքսի արտահայտություններն անհրաժեշտ են «իրապես Երկիրը մուտք գործող ամեն մի քաղաքակրթության իսկական հենարանը»²⁹: Հենց այս իմաստով էլ Ռ. Լյուքսեմբուրգը նշում է, որ «բրիտանյա երկրների ազատագրումը Թուրքիայից միջազգային քաղաքական կյանքում առաջադիմություն է նշանակում: Արհեստական այգ-պիսի վիճակի գոյությունը, ինչպես այսօրվա Թուրքիան է... քաղաքական ընդհանուր վարդապետը արգելակում է և դանդաղեցնում»²⁹:

Երկրի ֆեոդալական հողատիրությունը լուրջ հարված էր հասցվել դեռևս 1834 թ., երբ վերացվեց, ակադեմիկոս Վ. Ա. Գորդլևսկու արտահայտությամբ, «սոցիալական խոց»³⁰ հանդիսացող դերերելությունը: Նրա վերացումը նշանակում էր XV դարից եկող և ավելի քան 400 տարի տիրապետող ռազմա-լենային սիստեմի³¹ լիկվիդացման սկիզբը (նաև իրավական տեսակետից): Սա

²⁴ К. Маркс, Ф. Энгельс, Соч., т. 10, էջ 130:

²⁵ Paul Gentizon, Mustapha Kemal ou L'Orient en marche, Paris, 1929, էջ 203:

²⁶ Տե՛ս Paul Fesch, Constantinople aux derniers jours d'Abdul-Hamid, Paris, 1907, էջ 111:

²⁷ Youssouf Fehmi, Histoire de la Turquie, Paris, 1909, էջ 346:

²⁸ К. Маркс, Ф. Энгельс, Соч., т. 9, էջ 25:

²⁹ «Թանրեր Երևանի համալսարանի», № 2, 1971, էջ 144:

³⁰ Акад. В. А. Гордлевский, Избранные сочинения, т. III, М., 1962, էջ 24:

³¹ Дикран Арсланян, Система сельского землевладения в Османской империи, Л., 1932. Հեղինակը գրում է, որ «Օսմանյան լենային սիստեմի վերաբերյալ առաջին պետական որոշումը հրատարակվել է 1376 թ... և միայն Մահմեդ II-ը (1451—1484) այն դարձրեց օրենսդրության առարկա», էջ 6:

շափաղանց խոշոր, նշանակալից քայլ էր հողային հարաբերությունները մասնաճացած վիճակից դուրս բերելու և կապիտալիզմի համար զարգացման ուղին նոր բանալու մանապարհին: Նույն երևույթի մեկ այլ արտահայտությունն էր հողերի առուծախը, նրանց գների բարձրացումը ըստ որակի, քաղաքների ու երկաթուղիների մոտիկության և բնական այլ պայմանների: Հողի գնի տատանումների վրա իր անդրադարձումն ունեցավ 1867 թ. հունիսի 16-ի օրենքը օտարերկրացիների՝ հողի սեփականություն ձեռք բերելու իրավունքի մասին: Հետևանքը եղավ այն, որ սկսած 1860-ական թթ. վերջից հողի գինը սկսեց աճել և առաջին համաշխարհային պատերազմի նախօրյակին բարձրացավ «ուղիղ 10 անգամ»³²:

Դրամը հետզհետե վճռական դեր էր կատարում թե՛ պետության ու ժողովրդի, և թե՛ հողատերերի ու գյուղացիների փոխհարաբերությունների մեջ: Ականատեսը արձանագրում է, որ XIX դարի վերջին համարյա ամենուր պետական հարկերը, «պետական բոլոր տուրքերը, բացի աշարից, կառավարությունը ստանում է ոսկու հաշվով, ղեղշելով արծաթ դրամների իսկական ու ընթացիկ արժեքից»³³:

Դրամը դառնում է անհրաժեշտ նաև հողատերերի ու հողը մշակողների փոխհարաբերություններում: Կայսրության եվրոպական մասում, ծովեզրյա շրջաններում և մեծ քաղաքների մերձակա հողերում ֆեոդալը աշխատում է իր ունեւոր ստանալ մեծ մասամբ փողով:

Այդ տենդը դարի վերջին համակում է նույնիսկ ֆեոդալական խավի ամենահետամնաց տարրերին՝ քուրդ աղային ու չերքեզ ղինվորականին, որոնք «իրենց թալանի մեջ ժամանակ մը որոշ չափ մը կպահանջին և պետք ունենալով գյուղացիին, անկե ամեն բան չէին խլել: Բայց այն օրեն, երբ դրամի շրջաբերությունը մուտք գտավ Արևելքի մեջ, անոնք ալ ուղեցին դրամի տեր ըլլալ և աշխատեցան ամեն կերպով պոկել գյուղացին»³⁴:

Գնալով մեծանում է նաև բնամթերքով վճարվող ունեւորի, զանազան պարհակների, բազմապիսի հարկերի (որոնց թիվը ըստ Ա. Ֆ. Միլլերի հասնում էր 97-ի³⁵) ու տուրքերի ծավալը և քանակը: Այս դեպքերում, որպես կանոն, տեղի է ունենում հետեւյալը. «Երբ բերքը ծախվում է, լավ գին ունի, տասանորդի հավաքող կապալառուն տասանորդը ստանում է առավելությամբ, իսկ նրա գին չունի, կապալառուն թանկ գնահատելով բերքը, փողն է պահանջում»³⁶: Ինչպես տեսնում ենք, համարյա ամենուր տիրող նման քաղաքականությունը կապվում է շուկայական գների հետ և ի վնաս հողագործի նրանից կորզվում է առավելագույնը: «Իսկ վերջին ժամանակները հարկերը դարձյալ դժվարացան և նրանով, որ տերությունը չէ էլ ընդունում թղթադրամ հարկատուներից»³⁷, այլ պահանջում է «հնչյուն ոսկով»: Վերլուծելով այս տիպի երևույթները, Ֆ. Էն-

32 «Донесения императорских российских консульских представителей за границей по торгово-промышленным вопросам», СПб. 1913, № 29, էջ 23:

33 Հ. Մուրադյան, Հողատիրությունը Թուրքիայում, «Մուրճ», 1899, № 10, էջ 1212—1213:

34 է. Տ. Բեռնշտայն, Հայկական տանջանքները և եվրոպան, Ժընև, 1906, էջ 21:

35 А. Ф. Миллер, Мустафа-паша Байрактар, М.—Л., 1947, էջ 37:

36 Գրիգոր Արժրունի, Թուրքաց հայերի տնտեսական դրությունը, Թիֆլիս, 1894, էջ 31:

37 Նույն տեղում, էջ 32:

զեկսը ցույց է տալիս, որ «ամենուրեք, ուր անձնական հարաբերությունները ետ էին մղվում փողային հարաբերություններով, բնատուրքի փոխարեն փող էին վճարում, այնտեղ ֆեոդալական հարաբերությանը փոխարինում էր բուրժուականը»³⁸։

Առևտրա-գրամական հարաբերությունները, ինչպես ամենուր, իրենց հետ բերեցին գյուղացու շահագործման ավելի ինտենսիվ ձևեր, որոնք հենքի կողքին և նրանց զուգահեռ իրենց գոյությունը պահպանեցին երկար տարիներ։ Հողազրկության մեծացումը նշանակում էր հողի վարձակալների թվի մեծացում։ Ինչքան ղեկի երկրի զարգացած ծայրամասերը, այնքան ավելի փոքրանում է վարձակալվող հողակտորը և հակառակը։ Սակայն շահագործման աստիճանը ուներ միանգամայն հակադարձ պատկեր՝ փոքր, բայց շահութաբեր հողամասից ավելի շատ էր վերցվում, քան երկրի խորքում ընկած խոշոր հողակտորներից։ Իսկ ընդհանրապես ֆեոդալ-հողատերերը խտրություն չէին դնում շահագործման ձևերի մեջ։ Սկսած բոլորովին ձրի («անդարիա») աշխատանքից, կոո ու բեզյառի զանազան տարբերակներից մինչև վարձու աշխատանքը և աշխատանքի այլ խառը ձևերը օգտագործվում էին երկրի տարբեր մասերում։

Հետամնաց տնտեսություններում վարձակալին ստիպում էին աշխատել ոչ միայն դաշտում, այլև տանը, ոչ միայն ամռանը, այլև ձմռանը, հաճախ զրկելով իր կնոջ ու զավակների հետ, գյուղատնտեսական աշխատանքներին զուգահեռ հողալ նաև հողատիրոջ տնտեսության պետքերը։

Բայց հողի վարձակալ գյուղացին պարտավոր էր վճարել նաև պետական հարկերը (աշար, հողային հարկ և այլ հարկեր ու նրանց տոկոսները) և ասլա մնացածը կիսել։ Իսկ կիսածի 50%-ն էլ չէր մնում գյուղացուն։ Հաճախ սերմացուն տալիս էր հողատերը և դրա դիմաց ստանում բաժանվող բերքի նորից 9—10%։ Ա. Մ. Կոլյուբյակինի հաշվումներով «բերքի 75,75%-ից մինչև 86,75%-ը գյուղացին հանձնում է և ստիպված է բավարարվել 24,25 կամ 13,25%-ով»³⁹։ Այսքանն էլ, հաճախ, չէր մնում նրան։ Ծանր վիճակից ու հարկերից փախած մի մշեցու վկայությամբ գյուղացին աղայի հասանելիքը «մինչև բաղաբ փոխադրել պարտի, և ձմռանը փոխատուի ձիերն, դոմեշներն դարձանելու, խնամելու հողը, ասոնդմե պատ, գյուղացին ամառը՝ 2—3 ամիս փոխատուն իր ծառաներով ու մանչերով իր տունն տի հյուրերնեկալի, և նորա ուտեստն ու պետքերն տի հողա, որպեսզի հունձքի բաժանման ատեն արտը դա և հսկե, որ գողություն չլինի»⁴⁰։ Ուրեմն հողատերը կամ պարտքատեր-վաշխառուն գյուղացու հասանելիքից օգտվում է թե՛ մինչև բերքահավաքը, և թե՛ հետո՝ համարյա տարին բոլոր։ Ավելի վառ դույններով է ներկայացնում գյուղացու վիճակը Գարեգին Սրվանձադանցը, երբ անցյալ դարի 80-ական թթ. շրջում է վանի և Բաղեշի (Բիթլիսի) վիլայեթները՝ մոտիկից ծանոթանալու համար ժողովրդի գրությանը։ Նա նկարագրում է, թե ինչպես աշնանը կալի շուրջն են հավաքվում «շինական հարսն ու աղջիկ, ծեր ու մանկտիկ, ազնավն ու աղավնիկ, ճնճղուկն ու արագիլ, մրջյունն ու սկոլոքը, եզն ու եզնավարն, էշն ու գոմեշն, սալն ու սալվորիկ, շեյխն ու տերվիշ, վարդապետն ու երեց, շահնան (հարկահավաք)»

³⁸ Ф. Энгельс, О разложении феодализма и развитии буржуазии, в кн. К. Маркс, Ф. Энгельс, Соч., т. XVI, ч. I, М., 1937, т. 441.

³⁹ ИГВИА, ф. 82, оп. 86, д. 3053, р. 388.

⁴⁰ «Հանդես դրական և պատմական», գիրք 1, Մոսկվա, 1888, էջ 228.

ու բուրդ բեկն, Վանա սովյալն ու Բաղիշո շարին, հարկահանն ու պարտապահանջն, նախիրն և խաշինք, ամենն ալ կալերու շուրջն առած իրենց բաժիններ կկրեն: Հարդն գոնե թողուն կալատիրոջ ձեթկիկ (փոքրիկ) ձագերուն քանի մը օրվան համար սնունդ...:

Եվ կան որ կստիպեն արսողել, վերցնել կալը, որպեսզի հնձված արտին տիրեն, զի խեղճ գյուղացին պարտուց փոխարեն հողն ալ գրավ է դրել, և պայմանաժամն լրացյալ է. դատարանի պաշտոնյայք ներկա են, որք օրինաց սառնությամբ կվճռեն ու կհանձնեն՝ գրավողին իբրև իրավունք արտն շինականին, կյանքն շինականին...»⁴¹:

Շահագործման տարբեր ձևերն ու պայմանները Օսմանյան կայսրության գյուղացիության մեծ մասի համար ստեղծել էին կախյալ վիճակ: Ինչպես նշել է ուսումնասիրողների զգալի մասը, գյուղացին գտնվում էր «մարաբայի» (կիսորար կամ մի մասը ստանալու պայմանով աշխատողի) վիճակում⁴²: Նրանից բացի կային ազատ հողատերեր և հողազուրկ գյուղացիներ և կամ բատրակներ ու սեզոնային բանվորներ: Վերջիններիս թիվը մեծ չէր և նրանք վճռական դիր չէին կատարում գյուղատնտեսության մեջ: Սակայն որքան դեպի արևմուտք, դեպի ծովեզրյա վայրերը և մեծ քաղաքների մերձակայքը, այնքան աճում է վարձու աշխատողների տեսակարար կշիռը և նրանց նշանակությունը տնտեսության մեջ: Վ. Ի. Լենինը բանվորական ուժի տեղաշարժը գյուղատնտեսության մեջ դիտում է որպես պրոգրեսիվ երևույթ, իսկ սեզոնային բանվորների կուտակումը առանձին վայրերում՝ «բանվորական շուկաների» ստեղծումը՝ որպես զարգացող կապիտալիստական հարաբերությունների խորհրդանիշ⁴³:

Այս երևույթը մենք տեսնում ենք կայսրության բազմաթիվ քաղաքներում՝ Կ. Պոլսում, Իզմիրում, Բեյրութում, Տրապիզոնում, Բազդատում, Դամասկոսում, Ադանայում և այլուր: Օրինակ, Ադանա քաղաքի բնակիչների թիվը հավասար էր 45 հազարի, իսկ «պանդուխտ կամ բանվոր լսածներուն թիվն է 12—15000, որոնք ամեն տարի երկու-երեք ամիս կկենան աստ բամբակը կլպելու և իստակելու համար»⁴⁴: Վարձու բանվորների կարիք է զգում ոչ միայն Ադանան, այլև Մերսինը և վիլայեթի այլ կենտրոններ: Ընդհանուր առմամբ, այլ նահանգներից այստեղ է գալիս մոտ 100 հազար վարձու բանվոր⁴⁵, և այդ տեղի է ունենում առաջին համաշխարհային պատերազմին նախորդող 30 տարիների ընթացքում: Գնդապետ Պուտյատայի հաշվումներով, դաշտերում, այգիներում և բանջարանոցներում աշխատող վարձու բանվորների միջին աշխատավարձը 1880-ական թթ. սկզբին կազմում էր օրական 35—60 կոպեկ, իսկ եթե վարձակալը կերակրում և ապրելու տեղ էր տալիս՝ 15—20 կոպ. կամ 15—20

41 Գ. Սրվանձտյանց, «Համով-հոտով», հատ. Ա, Փարիզ, 1949, էջ 59:

42 Մ. Գ. Նեբուխյան, Հայ ժողովրդի ազատագրական պայքարը թուրքական բռնապետության դեմ 1850—1870 թթ., Երևան, 1955, էջ 54: Е. К. Саркисян, Аграрная политика османского правительства в Западной Армении во второй половине XIX века, 1957, էջ 123—124: Ռ. Պ. Հովհաննիսյան, Արևմտահայ ազգային-ազատագրական շարժումները և Կարինի «Պաշտպան հայրենյաց» կազմակերպությունը, Երևան, 1965, էջ 20:

43 Վ. Ի. Լենին, Երկեր, հատ. 3, էջ 265:

44 Հ. Ս. էփրիկյան, Բնաշխարհիկ բառարան, հատ. 1, Վենետիկ, 1903—1905, էջ 270—271: Сб. у. н. а. Полк. Путята, Записка о Малой Азии, Сборник географических топографических и статистических материалов по Азии, вып. 46, СПб, 1896, էջ 123:

45 Н. Бутаев, նշվ. աշխ., էջ 46—47:

ռուբլի տարեկան: Մասնավորեցնելով առանձին տնտեսությունների նկատմամբ, հեղինակը նշում է, որ 5—6 դեսյատին հողի համար վարձվում էր մեկ բանվոր (տարեկան մոտ 100 ռ. ծախսով), իսկ ավելի մեծ տարածությունների վրա աշխատում էին 2—3 և ավելի բանվորներ⁴⁶: Մեկ այլ հեղինակի կարծիքով գյուղացու վիճակը այնքան ծանր էր, որ նա նպատակահամար էր համարում թողնել ամեն ինչ և որպես բատրակ օրական 5—6 պիաստրով (30—35 կոպ.) աշխատել հարուստ հողատերերի մոտ⁴⁷:

Այսպիսով, վարձու աշխատանքը իր ամուր տեղն է գրավում կայսրության բազմաթիվ շրջաններում, մասնավորապես ծովափնյա ֆերմերական (գերմանացիների ու հրեաների գաղութներ, բամբակի, ծխախոտի, ձիթալոլի պլանտացիաներ, պտղատու այգիներ և այլն) տնտեսություններում⁴⁸: Սակայն առաջին համաշխարհային պատերազմի նախօրյակին նրա տեսակարար կշիռը գյուղատնտեսության մեջ մնում է դեռևս շատ ցածր: Կիսրարության և աշխատանքային տարբեր ձևերի ռենտայի կողքին հիշյալ երևույթը հալիս Օկանր անվանում է «ուժեղ» կապիտալիստական տենդենցներ պարունակող «պրոցես», «կարևոր քայլ» դեպի կապիտալիստական հարաբերությունների հաստատումը⁴⁹:

Այնուհետև կապիտալիստական հարաբերությունների զարգացման ցուցանիշներ են գյուղի ուժեղացող կապը ներքին և արտաքին շուկաների հետ, գյուղատնտեսական արտադրանքի մասնագիտացումը և ապրանքային մասի աճը: Արդեն XX դարի սկզբին արտահանվող ապրանքների երկու երրորդից ավելին կազմում էին գյուղատնտեսական մթերքները և հումքը, որոնցից միայն մրգերի և բանջարեղենի մասը հավասար է 30%-ի⁵⁰: Աճում են տեխնիկական կուլտուրաների ցանքատարածություններն ու նրանց ապրանքային մասը: Իհարկե, այս բնագավառում չափազանց ակտիվ է «օտար կապիտալը, որը ձևերը հասցրեց մինչև գյուղատնտեսական արտադրությունը: Օրինակ, ծխախոտագործությունը ամբողջապես գտնվում էր օտարների հսկողության տակ»⁵¹: 1883 թ. ստանալով ծխախոտի մենաշնորհը, ֆրանսիական հայտնի «Լեմոի դը տաբակ օբլոման» ընկերությունը աշխատում էր ամեն կերպ՝ նյութական շահագրգռվածության, սերմի և ագրոտեխնիկայի բարելավման, հարկադրական և այլ միջոցներով ընդարձակել ծխախոտի կուլտուրայով զբաղեցրած տարածությունները ու բարձրացնել բերքը: Վերոբնշյալ շանդամանքի և ծխախոտը երկրի ներսում վաճառելու արգելքի կապակցությամբ պահանջի բարձրացումը իսկապես հասցրեցին ծխախոտի պլանտացիաների մեծացման և արտադրանքի աճին: Համաձայն վիճակագրական տվյալների, ծխախոտի մշակման տակ գտնվող տարածությունները մոտ 30 տարում աճել են 3 անգամ, արտադրանքը՝

⁴⁶ Путьята, նշվ. աշխ., էջ 136, 141:

⁴⁷ А. М. Беркенгеим, Современное экономическое положение Сирии и Палестины, М., 1897, էջ 28:

⁴⁸ Губерт Аугаген, Очерки природы и сельского хозяйства Сирии и Палестины, П.-г., 1916, էջ 87: Համաձայն հեղինակի ամփոփումների հեկտարի համար վարձվող բանվորների վճարը կազմում է ընդհանուր ծախսերի 30%-ը:

⁴⁹ Халис Окан, նշվ. աշխ., էջ 17:

⁵⁰ В. М. Кеchedжи-Шаповалов, նշվ. աշխ., էջ 6:

⁵¹ Furusan Hüseyin Tökin, Türkiye'de stasi partiler ve stasi düşüncenin gelişmesi 1839—1965, İstanbul, 1965, էջ 30:

ավելի քան Լրկու անդամ, իսկ մեկ աշխատողի արտադրողականությունը՝ մոտ Լրկու անդամ⁵²։ Այս միջին տվյալները ցույց են տալիս ինտենսիվ մեթոդներով տարվող աշխատանքների բավարար արդյունքները, որոնք, սակայն, բնորոշ չեն Թուրքիայի ողջ գյուղատնտեսության համար։ Ինչ վերաբերում է բամբակի արտադրությանը, ապա միայն նրա մշակման հիմնական շրջանում՝ Ադանայի վիլայեթում, 18 տարում բերքը անեց տարեկան 400 տոննայից (1896), մինչև 33,750 տոննայի (1914)⁵³։ Մուրադ-չայ գետի հովտում, դեռևս անցյալ դարի վերջերին, բամբակի դաշտերը զբաղեցնում էին մշակվող հողերի 15—25% -ը։ Բերքի կեսը օգտագործվում էր տեղում, իսկ մնացածը արտահանվում էր էրզրում և հարևան այլ շրջաններ։ Թեև նրա մշակումը տեղում կատարվում էր արհեստավորների ձեռքով, սակայն գործը չորված էր բավական չավ։ Պալու քաղաքում և շրջակա գյուղերում գոյություն ունեին մոտ 140 ջուլհականոցներ, որոնք բավարար եկամուտ էին տալիս 500—700 մարդու⁵⁴։

Շուկայական ապրանք է դառնում արտադրված ցորենի զգալի մասը, մանավանդ երկրի այն շրջաններում, որտեղ տանելի ճանապարհներ կային, և՛ բնագոյություն ունեւ երկաթուղային կապ։ Միայն Հայդար փաշա—Անկարա գծով, նրա բացման առաջին տարին՝ 1893 թ., 4. Պոլիս է տեղափոխվել 51,300 տոննա հացահատիկ, իսկ 1911 թ. այդ թիվը հասնում է 262,146 տոննայի, այսինքն՝ 18 տարվա ընթացքում աճում է ավելի քան 5 անգամ⁵⁵։

Գյուղատնտեսական բերքը քաղաք է բերվում նաև այն պատճառով, որ հողատերերը, որպես կանոն, ապրում է այնտեղ։ Բազմաթիվ են, օրինակ, Մոսուլում ապրող հողատերերը, որոնց վարձակալները պարտավոր էին քաղաքում հանձնել նրանց «բերքի 1/10-ը անշրդի հողերից և նրա 1/2-ը՝ ջրովի դաշտերից»⁵⁶։ Պալու քաղաքի մեծահարուստ հողատեր, վաճառական ու վաշխառու հաշմատյանները «Թեփեքոյ գյուղի գյուղացիներից վերցնում էին բերքի ոչ թե 50 տոկոսը, այլ 60—70 տոկոսը», որը նույնպես հանձնվում էր քաղաքում կամ տարվում հարփուտ (հարբերդ) և ուրիշ վայրեր, «նայած որտեղ է վաճառված տվյալ տարվա բերքը»⁵⁷։

Վաճառքի ենթակա մթերք են հանդիսանում նաև բրինձը (Մոսուլ և այլուր), մրգերն ու պտուղները, քանջարեղենն ու յուղատու բույսերը, անասուններն ու նրանց մթերքները։ Մասնագիտացվում են շուկաները. Բաղդատում և Դամասկոսում՝ գլխավորապես ցորենի վաճառք, էրզրումում՝ անասուններ, Ադանայում, Իզմիրում՝ բամբակ, չորացրած մրդեր և այլն։

Ապրանքային արտադրանքի և շուկաների պահանջարկի աճը ստիպում էր որոշ չափով բարելավել արտադրությունը։ 1874 թ. նոյեմբերի 17-ին ընդունվել է օրենք, որով գյուղատնտեսական և շոգիով աշխատող այլ մեքենաների ներմուծումը աղատվել էր ամեն տեսակի հարկերից։ Շուտով բոլոր խոշոր առևտրական կենտրոններում բացվում են հատուկ խանութներ, որտեղ վաճառվում են գյուղատնտեսական գործիքներ ու մեքենաներ։

⁵² Istatistik vlligi. cilt 7, 1934—1935, էջ 332։

⁵³ Տե՛ս А. Д. Новичев, նշվ. աշխ., էջ 79։

⁵⁴ ЦГБИА. ф. 82, оп. 86, л. 3053, р. 137, 160։

⁵⁵ Տե՛ս А. Д. Новичев, նշվ. աշխ., էջ 76։

⁵⁶ П. Томилов, Отчет о поездке по Азиатской Турции в 1904 г., СПб, 1907, յաւ 1, էջ 286։

⁵⁷ ЦГБИА. ф. 82, л. 3053, р. 135։

Ըստ Իդմիրի ամերիկյան հյուպատոսի 1900 թ. հաշվետվության, երկրում տարեկան վաճառվել է 2000 հատ ամերիկյան դոլլան և 300 հնձող մեքենա⁵⁸, Ադանայի դաշտերում աշխատում էին 500—600 հնձող և մոտ 60 մեծ կալսիչ մեքենաներ, որոնք օրական 850—900 տոննա հացահատիկ էին արտադրում, արագացնելով այդ պրոցեսը 2—3 ամսով⁵⁹:

Փորձեր էին կատարվում ստեղծել մասնագիտական գյուղատնտեսական դպրոցներ և պատրաստել անհրաժեշտ կադրեր: Մոտ 15 միջնակարգ ուսումնարաններում և 3 բարձրագույն դպրոցներում (հողագործական, անասնաբուժական և անտառաբուծական), ինչպես և արտասահմանի մի շարք բարձրագույն ուսումնական հաստատություններում պատրաստվել էին մի քանի հարյուր մասնագետներ: Սակայն, ինչպես նշեց Սեբաստիայի (Սելասի) դեպուտատ Ն. Տաղավարյանը թուրքական պառլամենտի 1909 թ. մայիսի 18-ի նիստում, նրանց մեծագույն մասը իր մասնագիտությամբ չի զբաղվում: «Մինչև 1896-ին Եվրոպայի մեջ երկրագործություն ուսանող 58 անձերն 35-ն կառավարության պաշտոնյա եղած են, 6-ն երկրագործ, և մնացյալները տարբեր գործերով զբաղվողներ...»⁶⁰: Այս երևույթը նա բացատրում է գյուղատնտեսության մեջ դրված կապիտալի ցածր շահույթով՝ 100-ին միայն 4%, իսկ որևէ այլ բնագավառում նույն կապիտալը կարող էր տալ մինչև 10% շահ:

Կապիտալիստական հարաբերությունների առկայության ցուցանիշ է նաև արհեստների աստիճանական անջատումը հողագործությունից և նրանց հետագա զարգացումն ու մասնագիտացումը համարյա ամենուր:

Ռ. Բեկդյուլյանցը էրվրումի վիլայեթի գյուղերի առանձնահատուկ կողմերից մեկն է համարում այն, որ «գյուղացիները ոչ միայն հողագործներ, այլև արհեստավորներ են, որի հետևանքով նրանք շատ արագ կարողանում են վերականգնել իրենց կյանքի բարբոթությունը»⁶¹: Իսկ մեկ ուրիշ աղբյուր վկայում է, որ կան գյուղեր, որտեղ «աղղաբնակչությունը համարյա բոլորովին չի ըզբաղվում հողագործությամբ՝ ապրուստի միջոցներ հայթայթելով զլխավորապես այնպիսի արհեստներով, ինչպիսիք են՝ ջուհակությունը, կոշկակարությունը, դարբնությունը և այլն»⁶²:

Այս բարդ իրավիճակում քայքայիչ դեր են կատարում հետզհետե իրենց դիրքերը գյուղում ամբալնդող վաշխառու և առևտրականը: Տրված դումարի տոկոսը տատանվում է 10—30—60-ից մինչև 100—200—300-ի միջև՝ հսկողության բացարձակ բացակայության հետևանքով: Վաշխառությամբ աշխատում է զբաղվել ամեն մի փոքր ունեցող:

Գյուղացուն վաշխառուի հիրանքներից «աղատելու» նպատակով, 1867 թ. տեղերում ստեղծվեցին գյուղատնտեսական դրամարկյոներ («մենեֆի սանդրբլար»)։ 1888 թ. դրանց միավորումից ձևավորվեց գյուղատնտեսական բանկը: Գյուղացին կարող էր ստանալ վարկ իր հողերը զբաղ դնելով: Նրա ստացած գումարը կարող էր հավասարվել թափույում նշված հողագնի 50 %-ին միայն:

58 «Вестник финансов, промышленности и торговли», 1901, № 2, էջ 113:

59 «Թյուրակն», շաբաթաթերթ, 1906, № 19, էջ 453:

60 Տ ր տ. Ն. Տ ա ղ ա վ ա Ր յ ա ն, երկրագործության, անտառաց և հանքաց զարգացումն ու շահագործումը, Կ. Պոլիս, 1909, էջ 12:

61 Р. Бекгуляни (Северянин), По Турецкой Армении, впечатления от поездки летом 1914 г., Ростов-Дон, 1914, էջ 66:

62 ЦГВИА, ф. оп. 86, л. 3053, р. 390:

Կարճատև վարկը (3—12 ամիս) տրվում էր գյուղատնտեսական գործիքներ, սերմացու և այլ պարագաներ գնելու համար: Ելակարուտե վարկը՝ 1—10, նույնիսկ 15 տարով, տարեկան 6, իրականում 9—10 %⁶³-ով: Հաշված է, որ դրավ դրած հողերի 15—30 %-ը վճարվում էր աճուրդով⁶⁴: Իսկ գրավ դրած հողերի քանակը աճում էր տարեցտարի: Այսպես, եթե գյուղատնտեսական բանկի գոյության առաջին տարին՝ 1889 թ., այդպիսի հողերի դիմաց տրված վարկի գումարը կազմում էր 160 հազ. թուրքական լիրա, ապա 1910 թ. այն հասավ 5,435 հազ. թ. լ., իսկ 1914 թ.՝ 6,123 հազ. թ. լ.⁶⁵: Նույն աղբյուրից քաղած տվյալները վկայում են, որ եթե բանկի մաքուր շահույթը 1892 թ. եղել է մոտ 78 մլն. թ. լ., 1910 թ. այն բաժնեդրացել է 192 միլիոնի, 1917-ին նա ավելի քան 454 մլն. թ. լ. էր կազմում⁶⁶: Նման պայմաններում վաշխառուն մնում է իր դեբտում՝ հաստատուն ու անկախ, վստահ ու գոհ իր գոյությունից ու գործունեությունից: «Վաշխառությունը, — դրում է Կ. Մարքսը, — կարող է շատ երկար գոյություն ունենալ, շառաջացնելով ոչինչ տնտեսական անկումից և քաղաքական կաշառակերությունից բացի»⁶⁷: Մասամբ այդպիսին էլ եղել է վաշխառական և առևտրային կապիտալի դերը Թուրքիայում:

Կապիտալիստական հարաբերությունները, այնուամենայնիվ, զգալի կերպով զարգացել էին մինչև առաջին համաշխարհային պատերազմը: Խնդրի դիտլեկտիկան կայանում է նրանում, որ ինչքան վերջինները շատ են զարգանում, այնքան առաջինները ակտիվանում են՝ հնի քայքայման և նորի ստեղծման իրենց դերում: Այս է ահա Կ. Մարքսի հիշյալ մտքի իմաստը: Վ. Ի. Լենինը նույնպես նշել է, որ ինչքան ուժեղ է զարգացած վաշխառական և առևտրային կապիտալը, «նույնքան ավելի թույլ է արդյունաբերական կապիտալի (=կապիտալիստական աշտադրության) զարգացումը և ընդհակառակը»⁶⁸: Բայց նա միաժամանակ գտնում է, որ կապիտալը օգնում է ընդլայնելու առևտուրը, բարելավելու արտադրության պայմանները, ամրապնդելու արտադրության նոր ձևերը և այլն:

Գրականության մեջ գոյություն ունի տեսակետ, որ առևտրի ու կապիտալիստական հարաբերությունների զարգացումը գյուղատնտեսության մեջ պայմանավորված է գլխավորապես արտաքին շուկայի հետ ունեցած կապերով⁶⁹: Իհարկե այդ կապերը կան և նրանք մեծ չափերի հասան ուսումնասիրվող ժամանակահատվածում: Բայց, մեր կարծիքով, մի այնպիսի խոշոր, ոչ զալուրային պետության, ինչպիսին Օսմանյան կայսրությունն էր, տնտեսական զարգացումը նախ և առաջ պայմանավորված էր նրա ներքին գործոններով: Սրանց թվին էին պատկանում տեղի արդյունաբերության աճը, քաղաքների մեծացումը, տեղական շուկաների ստեղծումը և ընդլայնումը, սրա հետ կապված՝ գյուղատնտեսական արտադրանքի մասնագիտացումը, տրանզիտային առևտուրը և,

⁶³ А. Руппих, *նշվ.*, էջ 99: Սարգիս և Միսակ Բդեյան, *Հարազատ պատմություն Տարոնոյ, Կահրե, 1962*, էջ 153:

⁶⁴ А. Руппих, *նշվ.*, էջ 101: Տե՛ս նաև Սարգիս և Միսակ Բդեյան, *նշվ.*, էջ 153—154:

⁶⁵ Istatistik ylligi, cilt. 7, 1934—1935, էջ 448:

⁶⁶ Նույն տեղում, էջ 451:

⁶⁷ К. Маркс, *Капитал*, т. 3, М., 1936.

⁶⁸ Վ. Ի. Լենին, *Երկեր, հատ. 3*, էջ 216:

⁶⁹ Տե՛ս А. Д. Новичев, *նշվ.*, էջ 154:

ի վերջո, արտաքին շուկայի պահանջները: Վերոհիշյալ հանգամանքների ախտորինակ թվարկումը, մեր կարծիքով, միակ ճիշտ մոտեցումը կլինեն տվյալ հարցի պատասխանը փնտրելիս: Ամփոփելով պետք է ասել, որ Թուրքիան XIX դարի երկրորդ կեսին թեակոխել էր կապիտալիստական հարաբերությունների զարգացման փուլը: Սակայն նրա զարգացման պրոցեսը, մանավանդ գյուղատնտեսության մեջ, ընթանում էր շափաղանց դանդաղ ու տանջալից ձևով, հազարավոր մեծագույն խոչընդոտներ ու դժվարություններ:

О НЕКОТОРЫХ ВОПРОСАХ РАЗВИТИЯ КАПИТАЛИСТИЧЕСКИХ
ОТНОШЕНИЙ В СЕЛЬСКОМ ХОЗЯЙСТВЕ ОСМАНСКОЙ
ИМПЕРИИ

О. Г. ИНДЖИКЯН

(Р е з ю м е)

Во второй половине XIX в. сельское хозяйство Османской империи вступает в период развития капиталистических отношений. Признаками неравномерного процесса являются: рост крупного (особенно частного) землевладения при одновременном массовом обезземеливании крестьянства (главным образом немусульманского), отходничество, создание «рабочих рынков», рост цен на землю, внедрение на селе торгово-денежных отношений, усиление связи с рынком и интенсивное ведение хозяйства в европейской Турции, в прибрежных районах и вокруг больших городов, специализация и рост товарной продукции, отделение ремесла от сельского хозяйства и т. д. В связи с этими явлениями в сфере аграрного производства имели место как феодальные формы эксплуатации (барщина, издольщина, исполу и даже личная зависимость крестьянства), так и растущие размеры денежной ренты, наемный труд батраков, сезонных рабочих. Ускоряющим (но не решающим) фактором выступает быстро развивающаяся внешняя торговля.

Развитие капиталистических отношений шло очень медленно, принимало уродливый характер и сопровождалось почти полным отсутствием порядка в землепользовании и земельных отношениях, концентрации в руках отдельных групп господствующих классов земли, образованием многоукладности хозяйства. Особое значение имели отсутствие законности и полный произвол как со стороны властей, так и всевозможных эксплуататоров — чиновников, офицеров, беков, шейхов, ростовщиков, писарей, заптие и т. д. Несмотря на эти немыслимые для любой европейской страны препоны, капиталистические отношения развивались, и уже в канун первой мировой войны вся страна (за исключением отдельных, порой значительных районов с преобладанием феодального и даже патриархального уклада) была охвачена этим процессом.